







١٦١
مصر



A

الشروع في الاحكام والعلم عند الله الملك العلام ما شاء الله
 كان وما لم يشاء لم يكن حالهما يكون قال ظل الله وملائكته سپاه
 خداوندگار سپهر استان وجهان پناه نیر النوبه آفتاب جهان تاب
 مرکز عاشرده مبتز اولوب قوای ذاتیه و عرضیه ایلده قوی بولمق دلائل
 واثقه وشهادت صادقه ایلده دلائل ایدر الله اعلم روح جسد عالم
 ظل الله المبسوط علی مفارق الامم حضرت نرینک کل کلزارد دولت اولادان
 شریف همایون صفات نری صحت و عافیت و نفس نفیس سعادت انیسلری
 قوه و سلامتده اولوب تاجداران انجا و ارجانک انقیاد و اطاعت
 و عتبه علیه لرینه عرض اخلاص و عبودیت ایندیر یله منصف الافعال و منظم
 الاحوال اولمیرینه و دعوائی استقلال و استبداد ایدن سرکش وادی
 عصیان هیبت فرمائی و شوکت صاحبقرانیرینه طاقت کتور میون ذلت
 و هوان و نیاز الا مان ایلده سالک راه انقیاد اولمیرینه شمس ضیا کسرتک
 مرغ شجاعت پروره علی وجه القبول نظر مودتی دلائل ایدر الله تعالی اعلم
 امراء جرايت نهاد و حضرت مائت و اجناد و بالجه ارباب سلاح
 ظفر معتا داظها رخلوص و اطاعت و اصناف انقیاد و عبودیت ایدوب
 خدمات علیه دین و دولت و محافظه بلدان و ممالك سلطنتده
 جد و سعی موفور ایندیر یله مظهر نوازش و التفات شهریار بنده پرور
 اولمیرینه خداوند بیت حادی عشر زهره مسترث اثر یازده عده مبتزو
 قوی الحال بولمق دلائل ایدر الله اعلم خزانة عامرة سلطان جهانستان
 اموال بلج و خراج و نقود رواج امتزاجله ماکال و تحف و هدایای فی
 ایلده رینه اشتمال اولوب اعوان و انصاف شهریار سپهر استان غالب مطلق و
 منصور و مظهر محقق اولمیرینه **فصل صیفده** نیر النوبه مهر جهانگیر بالرجه
 عاشرده اوجنه صاعد و صواب بیت علامن برجه متوجه بولمق دلائل الله اعلم

نقاوه دودمان جهان تاب فی خلاصه خاندان صاحبقرانی شهریار پادشاهان
 جهان پادشاه کیوان غلام سپهر استان حضرت نرینک وجود بهبود و مسعود
 و ذات نجسته سمان و محمود رش حفظ و امان باری تعالی ده اولوب لطف
 عیم خداوند بچون و قوه بخت همایون ایلده کلشن آباد دولت و سلطنت نری
 سر سبز و خرم و عند لیسان باغزار شوکت و عظمت نری نغمه ساز و خوشدم
 اولمغه خداوند عاشر نظر مودت ناهید سعید و زحلده و زهره زحلده متصل
 بولمق دلائل ایدر الله اعلم طبع همایون و قلب سعادت مقرون نری دائما
 مسرور و شادمان و محبوب و خندان اولوب بیست و نهم و طایفه دین مستفید نشا
 و انبساط اولمیرینه و صاحب عاشرک برج جوزاده عطار دایله معاوی لیس
 دلائل ایدر الله اعلم فکر و فراست و ذکا و کیا ستیری کماله اولوب عقل ار
 پسند و تدبیر سعادت بندلری ایلده کارگاه دولت علیه ده صورت نما اولان
 ظهورات فائضة البرکات محیر عقول و پسندیده فحول اولمغه اذکار
 السنه انامده مثل سائر کی داور و دعای خیر لری درجات قبوله سائر
فصل خریفده اقوی مایکون الشی اذا کان دلیله سائر امن هبوط الی شرفه
 نحو اسی اوزره نیر النوبه و صاحب عاشر برج شرفه ذاهب و سائر اولمق دلائل
 ایدر الله اعلم پادشاه بحر بر شهریار هفت کشور حضرت نرینک بخت سعید
 و همایون و طالع مبارک و میمون لری زیاده قوتده اولوب بنیان مرصوص
 جاه و جلال لری منین و پایدار و طاق عالی رواق شوکت و اقبال لری جلگیر
 و استوار اولمغه نیر النوبه و صاحب عاشر و تادده اولوب خدایوند بیت
 السلطان خانه سفر پادشاهیدن رب بیت سفره ناظر بولمق دلائل ایدر
 الله اعلم اکثر اوقاتده حرکت قریبه سعادت نشان و تبدیل هوا و مکیبورد
 سیر صحر و کستان ایلده ایام سعادت پیام لری گذران ایلمسته **فصل ششده**

نیز اصغر و تدعا شده ضیا کسرت و رب عاشر بالقسونه بیت اقباله
 جلوه کرو نیز اعظم نظر سعد بن ایله مسعود اولی دلالت ایدر الله اعلم
 سلطان سپهر آستان و خاقان کشورستان حضرت تدرینک افتاب عظمت
 و اقباله اوج دوام و نباته لامع و درخشان و ظل ظلیل شوکت و جلاله
 مفارق فرقا نام اوزره سیلان اولوب خدام حرم همایون و ندیمان و مضای
 سعادتمند و انعام و احشاشاها نه لریدن محصل آمال اولمربینه و خیرات
 و حسنات و صدقات و مبرات و بناء بقاع خیر ایله تعمیر قلوب علما و صلحا و
 مظهر عای خیر و تنای جلیل زهاد و عباد اولمربینه و العلم عند الله تعالى
حال سعادتمال وزیر اعظم و وکیل الفخیم و سائر وزراء عظام اعلی الله
شانهم الی یوم القیام خداوند حادی عشر زهره زهراء حضرت قوای ائمه
 و عرضیه ایله پر زیب و فرا و لمق دلالت ایدر الله تعالی اعلم اب و تاب دره
 بیضای وزارت رنگ و بوی کل صد برك صدارت و وزیر اعظم و اخص
 مقام وکیل مختار و بنز جبر غلام حضرت تدرینک ذات شریف و نجسته
 سمات و وجود لطیف و فرخنده صفات لری حفظ و امان باری و قایم
 و حمایه جهانداریده اولوب تدبیر امور دولت و تنظیم احوال مملکت و
 ترفیه عباد و تعمیر بلاد و ترتیب جنود و عسکر و تعبیه سپاه و لشکر
 و اعزاز لواء دین و قهر و تدمیر اعدای هزیمت قرین و اصلاح مزاج عالم
 و انجام مهمات نفع بنیادم و دفع مظالم اشرار و قلع شجره جور و اضراره
 سعی بلیغ تام و جد و جهد و اهتمام بیور ملربله شان سعادت عنوان
 دولت ممتاز و سر فراز اولمین مظهر نوازش و التفات پادشاهی و منظور
 عین اعزاز و اکرام شهنشاهی اولوب عز و افتخار لری برتر و آئینه جاه و
 جلال لری روشن و منور اولغه و رفیع شجاعت پرور مشتری سعادت اثره
 مودتله نظر تدرینک دلالت ایدر الله اعلم امراء و میر میران و رؤساء عسکر

وزراء عظام ظفر رهبره اطاعت و انقیاد و فیما بینهم محبت و ووداد و دایه
 و موالاته و اتفاق و اتحاد و محافظه بلدان و ممالک و محارسه طرق
 و مسالك و دفع مکر و جیل اعدا و دفع ظلم و تعدی استقیاده یکدل و یکجت
 اولمربله سعی لری مشکور و نظر عنایت شریاری ایله منظور اولمربینه
 مشتری تدرینک رجعتی و نیز النوبه و زحله مقابله سی دلالت ایدر الله اعلم
 و زرای امصار و قضایه و موالی بلدان و دیار دهنده اندوه و الم و حیرت و
 خوف و هراس و خشیت و غضب پادشاه عالیشان هدن اضطراب و ضجرت
 و بعضی لرنده مصداوره و اضطرابی مسافرت و فیما بینهم مکابره و
 عناد و مخالفت و اظهار عداوت و خصومت و بعضی لرنده انحطاط
 منزلت و رتبت و وقوعه لکن سالحندای برج انتهای طالع همایون نظر مودتله
 مشتری به ناظر اولمق دلالت ایدر الله اعلم پادشاه کرم الخصال و محمود افعال
 و محمد روح الاحوال جرم و کثا هارین عفو بیور بعد العسر سیر کثیره نائل
 اولمربینه و العلم عند الله تعالی **فصل صیغه** خداوند حادی عشر
 افتاب جهانگیر اوجنه صاعد و زهره زهراء یازدهمین منا حسن
 متباعد بولنوب مشتری مستقیم السیر بولنمق دلالت ایدر الله اعلم تدرینک
 کالیه و زرات دریکای صدف صدارت حضرت تدرینک صحت و عافیت و امان
 و عاها تدرین براءت و نواب و ملا تدرین سلا متدرینه و مهر التفات
 شریار سپهر اقتداردن اقتباس انوار تقویت ایله ماه سعادت
 و اقباله لری تابان و درخشان و دستیاری جویبار اعزاز و اکرام پادشاه
 تدرینک ایله دوحه جاه و جلاله لری پر برك و بار و برابر آسمان اولمربینه
 و مطلع انوار علم و حکم اولان قلب شریف لرندن سطوع و طلوع ایدر
 آراء حسنه فائضه البرکات ایله آئینه ظهور و بروزده جلوه کرو اولمربینه
 صور مستطاب به افعال و احوال موافق تقدیر قدیم سبحان و مطابق

رضای همایون سلطان جهان اولمغله نوازش کا دری شهریاری ایلله
قلب شریفی مسرور و شادان اولمغه مشتری بالتسویه ساقط و
بیت سفرده اولان کو اکبه متصل بولمق دلالت ایدر ایدمه اعلم بوزمره جلیل
الشان دن بعضی لرنده نقل و تحویل و مسافرت و قوعنه **فصل خریفه**
خداوند حادی عشرهنا حسن سلیم و نظر مودت رب عاشق و مرغ و سعد
اکبرده اولمق دلالت ایدر ایدمه اعلم سرنامه وزراء قائد جیش العظما
حضرتلرینک ایام میمنت بیامری محافظه ملک و دولت و محارسه
ناموس سلطنته مصر و نه اولوب حافظان قلاع و بقاع و بلاد و
ضابطان عساکر و جیوش و اجناده اعانت و امداد و تقویت و تدارک
لوازم حصون و ثغور و استحکامات حرب و ضرب و ظفر و نصرت
و ایصال و ظایف و عطایای لشکرده همت بی جلالی ظهوره کلمسه
فصل شتاده مشتری سعادت اثر حادی عشره مستولی و مقارنه
سعد اصغره بولمق دلالت ایدر ایدمه اعلم فرازنده لواء وزارت طرازنده
دیبای صدارت حضرتلرینک فرج و سرور و نشاط و اشراج و انبساط
وامراء شجاعت فرجام مظهر حسن توجه و التفاتلری اولوب تربیه
و اعانتلریله نائل ثارب و مناصب الملکینه نیر النوبه افتابک رب حادی
عشر مشتری یه نظر مودتی دلالت ایدر ایدمه اعلم و زرای عظام سیما وزیر
اعظم آصف مقام حضرتلری پادشاه عالمپناه و ظل الله ملائک سپاه
حضرتلرینک اعطاف و الطاف و التفات بی غایات و اعزاز و اکرام و
نوازش بی نهایتلرینه مظهر اولوب سایه دولت پادشاهانه لرنده نوازش
جاه و حرمت و ثبات منزلت و مرتبتلرینه **حال سعادت مال حضرت**
شیخ الاسلام و مفتی الانام و سائر موالی و مدرستین کرام علی الله
شانم الی یوم القیام مستولی بیت ناسعه نظر نحو سدن سلیم بولمق

مظهر اولدرینه و فضلی زمان و اهل علم و عرفان ذات و زمان و
 عنایت سلطان ایلده نائل جاه و مکان اولدرینه لکن خداوند بیت
 و تاسعک احتراقی دلالت ایدر الله اعلم ارباب مناصب دینیه دن
 بعضی اکابر موتیه **فصل ششده** ثالث و تاسعک صاحبدری
 قوای عرضیه ایلده قوی بولغدری دلالت ایدر الله اعلم پیشوای فضلا
 سوخیل علما حضرت تکرینک ایام سعادت انجامدری حل مشکلات قی
 علومه مصروفه اولوب نظر کیمیا اثر سلطان ایلده اندیاده و ^{مردن}
 و حکام کرامک اجرای حکام شرعیه ایلده اهماکندن ارتقاء مراتب
 و منزلتدرینه و علمای کرامک شهر آثار فضل بیشتر و استظهار معارف
 بسیار لر ایلده محصل المرام اولغدرینه **حال میر میران جلالت آثار**
وامرای نامدار و عساکر حضرت مدار مرتب شجاعت آثار بیت خامسه
 نظر مودت نیز انوبه و سعد اکبرده بولغق دلالت ایدر الله اعلم
 امر و اجناد و ارباب صلاح اطاعت معتاد اخلاص نیت و حسن
 اطاعت ایلده خدمات علیه دین مبین و دولت ظفر آیین ده بالقطع
 الصافی بذل مقدور و وجد و جهد موفور ایدوب ^{نظم} محکم دیار و بلاد
 محارسه نفوس و اموال عبادده سعی بلیغ و کوشش بی دریغدری
 سبیل طرف دولت علیه دن احسانا موجب و وظایف و تکلیف لوازم و
 مرقات ایلده اعزاز و اکرام اولغدرینه و طوایف سابقه دن بعضی لر حسن
 عمل و اعانت وزیر اعظم ایلده مظهر انعام و احسانا پادشاه عالمیناه اولوب
 مناسبت احسانه ممتاز الاقران اولغده **فصل صیفده** مرتب برج عقیده
 مقبول بولغوب استقامته متردد اولغی دلالت ایدر الله اعلم امراء
 شجاعت فرجام و عساکر حضرت انجام رأی و تدبیر امور ملک و ^{دولت} و
 بادشاهیده اصابت ایدوب جواهر زواهر اطاعت و انقیاد ایلده ^{ذیب}


وزینت و خدشایسته دولت علیه ده جد و سعی و همت ایتلر ایلده
 سزاوار نوازش و التفات شریاری اولوب عنایات بی غایات پادشاهی
 ایلده مرفه الحال و مطببات البال اولغدرینه **فصل خریفده** مرتب نظر مودت
 سعدین ده اولغق دلالت ایدر الله اعلم ارباب صلاح انیس زهد و
 صلاح و جلیس طاعت و فلاح اولوب اشراق و اراده توبه و
 صلاح حال و قطاع طریق و دزدانده هلاک و اضمحلال و وزراء عظام و
 امراء عالمقام میاننده محبت و مودت و اوامر علیه سلطانیته یه خلوص
 نیت ایلده انقیاد و اطاعت و خیرات و حسنات و مبرانه رغبت و طرق
 و شوارعی محافظت اوزره اولغدرینه رعایا و ابناء سبیلده فراغ بال و نیت
 و لشکر باینده زینب و زینت و ظلم و آشوبده انقدام و ظفر اهل اسلام و انزمام
 اعداء لشام و قرعنه شرف مرتب دلالت ایدر الله اعلم امر و لشکر بایندن بعضی لر
 مظهر احسان و انعام شهریار بنده پرور اولغده بکام و نائل مرام اولغده **فصل**
مفتاده مرتب بالتسویه عاشرده اولوب نظر مودت نیز انوبه و سعد ^{اکبرده}
 بولغق دلالت ایدر الله اعلم طوائف مذکوره نیک صلاح و استقامتله
 و کمال رغبت و اطاعت ایلده اجرای اوامر علیه و اجبالا ذعان خلیفه زمانه
 مجدد و ساعی اولغدرینه و حسن امانت و دیاد نترلندن تربیه و وزراء عظام ^{ایله}
 دولت پادشاه ملانک سپاهده امراء صاحب لوانک ارتقاء قدر و ورثه ^{رینه}
حال عزت مال دفتر داران عالی مکان و محصلان اموال و اطباء اصابت
نشان و منجآن عطارده نظر مودت سعد اصغرده بولغق دلالت ایدر الله اعلم
 دفتر داران ذیشانک امانت و استقامت و ذکا و فطنت و دیانت و صدق
 ایلده شهرت و شان و عزت لر برتر اولوب نظر عاطفت شهریاریدن حصه ^{مند}
 اولغدرینه و اصحاب دیوان و ارباب اقلامدن بعضی لر اعانت مقربان
 ذیشان ایلده نائل مراتب و واصل مآرب اولغدرینه تربیع عطارده و مرتب
 دلیلدر الله اعلم امر و ارباب دیوان و اهل قلم بیننده مخالفت و عداوت

وعمال و مستوفیانده خیانت ظهور یله معاقب و معاتب اولمیرینه عطار د
 نظر مودت قوروت حادی عشرده بولنق دلالت ایدر الله اعلم حذاق
 اطباء علاج و مداوایه اصابت و ارباب نجوم احکامده صداقتی
 سببیلله وزیر اعظم کرمکار حضرت تکرینک مظهر احشا و انعاماری
 اولغه **فصل سفده** عطار د مبداء اولوب نظر مودت سعدینده بولنق
 دلالت ایدر الله اعلم بوطبقه سامی مکانک صحت ابدان و سلامت انفس
 و قوه جاه و رتبت و علو درجتا و منزلت لرینه و اعانت و زاء عظام و حمایت
 مقربان ذوی الاحترامله از دیادشان و شهرت و دوام و ثبات مکانک
 و ثبوت و ترقیم دفتر و حل و خرج مواجب سکرت تحصیل بقایای ذمم و ابصال
 و ظایف مستحفظان و خدمده امانت و دیانت و صداقت و استقامت
 ظهور یله مظهر اعزاز و اکرام و وزراء عظام و مقربان کرام اولمیرینه و
 وزمره اطباء حذاق پرور و منجین احکام کسرت نوازش پند پر کام
 و ارکان دولت علیه اولمیرینه **فصل خریفه** عطار د راجع و محترق
 بولنق دلالت ایدر الله اعلم طوائف سالف الذکر عالی شانک ضعیف
 حال و حزن و ملال و عجز و حیرت و کلان و انکار بال و انفعال لرینه
 و امنا و اعمال تحصیل ذممن عاجز و فرمودانه اولوب ادا و تسلیم ^{تسلیم}
 خالی اولمیرینه و بعضی لرینه رجز و نقدی اولوب تقیتیش و تحقیر ^{تحقیر}
 و معالجات اطباء و احکام نجومیه ده سهو و خطا و وقوعه **فصل ششده**
 عطار د مستقیم و نظر مودت سعدا صفرده بولنق دلالت ایدر الله اعلم
 بوزمره عالی جاهک حسن حال و فراغ بال و حصول مقاصد و آمال و ازیاء
 جاه و مال و صداقت اقوال و استقامت افعال لرینه و اعمال و متصرفینک
 امانت و دیانت و جبايت اموال امیریه ده بذل مجرود و همت و دقت ^{دقت}
 و اطباء اصابت کارک معالجات مرضاده موفق اولوب منجینک احکامده

اصابت لرینه احوال خیر المال **محرمان** حریمهایون سلطان جهان و مقربان
محرمان و سائر زهرویان زهره زهراء مسرت اثر قوای ذاتیه و عرضیه
 ایله پیر زیب و فراولق دلالت ایدر الله اعلم محرمان عزت نشان و مقربان دولت
 عنوان نوازش و التفات پادشاه زمین و زمان ایله مسعود الحال و سرور
 البال اولمیرینه و تقرب شهریار جهان بنان ایله ارتفاع قدر و اعتبار لرینه
 و زیب و زینت و تجلی و بهجت ایله تقید لرینه و صداقت و استقامت و
 بر و فوق و ضایحایون وضع و حرکت ایله اعتلای مقام و ارتقای ^{منزلت}
 و انعام و احشا و الطاف و اعطاف پادشاه سپهر احتشام ایله بکام و شاد
 اولمیرینه و بالجه داخل حریمسرای دولت احتوای سلطانینک صحت عافیت
 و آسیب و کدردن امن و سلامت لرینه **فصل صیفده** ناهید سعید
 بیت اقبالده مناجسدن بعید اولق دلالت ایدر الله اعلم بوطبقه سامی
 مکانک عزت و سعادت و اقبال و صفای خاطر و سرور بال و حصول
 مقاصد و آمال و تزیید جاه و جلال لرینه و سیر و سلوک و صحبت و
 رفیق و سرور و زینت و میان لرنده محبت و مودت و الفت لرینه و استحقاق
 و استعداد و قابلیت و ستوده خصیلت و پسندیده حرکت ایله سزاوار
 خدمت پادشاهی اولمیرینه **فصل خریفه** زهره نک نخوسدن سلاطین
 و ضعفنک براءتی دلالت ایدر الله اعلم بوطبقه ذی قدرک کمال عزت ^{عزت}
 و تقرب سلطان جهان ایله از دیاد قدر و جاه و رتبت و ارتفاع مکان
 و منزلت لرینه و زهد و عباد و مشایخ و اهل تقوی به میل و رغبت و
 خیرات و حسناته مواظبت لرینه و کمال صلاح و عفت و فورا مانت و
 دیانت ایله مظهر نظر اکسیر اثر شهریار عالی تبار اولمیرینه و سائر زهرویان ^{زهره}
 صلاح حال و حصول مراد تله فوز و فلاحت لرینه **فصل ششده** زهره
 مقارن سعدا کبر بولنق دلالت ایدر الله اعلم مکارم اخلاق و خصال

حمیده و بهجت اعمال و ملاحات احوال ایله شایسته عافیت سلطان جهان
 اولوب یوما فیوما از دیاد سرور و نشاط و نکاش فرج و انبساط لرینه
 و نفوذ کلام و غایت احترامله مدوح انام اولمقرینه و حسن سلوک
 و دیانت و فقر و ضعفایه انعام و احسان ایله مظهر دعای خیر صلی اورقا
 اولوب کلام و اسقام و غم و هومدن براه تدرینه و اهلوار و اوضاع و
 رفتار لری موافق رضای جمایون شهریار جهان اولوب التفات و
 تقریری زیاده اولمغه **احوال عوام الناس و اهل حرف و حجاج و**
مسافرین بر و بحر و سکان قرا و رواج کار طالع سال منا حسن دن دور
 و رب طالع قرا اولوب عرض شمالیسی زائد و صاعد و نظر سعدین ایله
 مسعود بولمق دلالت ایدر ایله اعلم طوائف سالف الذکر امن و سلامت
 و صحت و عافیت و حسن حال و کثرت فوائد و اموال و ضیق و محمول و ضعفدن
 سلامت و سعادت و قوته انتقال لرینه و فرج و سرور و قلت شورو کثرت
 اعراض و هو و طرب و تفریح و تنزه لرینه و اشعار و ابیات و
 حکایات و قصصه رغبت لرینه و ورود اخبار ساره ایله فرج و سرور لرینه
فصل صیفه طالع سلیم و رب طالع حادی عشرده مستقیم و قر نظر مودت
 سعدا صغریله مسعود بولمق دلالت ایدر ایله اعلم ناسک امراض و
 اسقامدن براه تدرینه و حصول امید و مرام ایله سرتدرینه و حجاج
 و مسافری بر و بحر امن و سلامت لرینه و تجارت و ارباب بازار کثرت فوائد
 و تفریح و تنزه کثرتنه و شراء عبید و مما لیکه میل و رغبت لرینه و ایمان
 کاذبه و شهادت زوره جراه تدرینه و حرث و زرع و عمارت باغ و بستان
 و مزارعه اشتغال لرینه و اهل یمینه بلا و شدت و خوف اصابت ایتمسته و
 اهل مشرق دن اوزر لرینه بر قومک خر و جلرینه **فصل خریف** طالع ساری
 و صاحب طالع قریب بولوب درجه هبوطدنک شرفنه متوجه اولمقی دلالت

ایدر ایله اعلم عوامک اولاد و انستایله فرج و سرور لرینه و سرور سرور
 و ضیافت و صحبت کثرتنه و اموال و اوزاق و کسب و کار لرینک و فرینه
 و فسق و فجورک شیوعنه و زنان فاجره نک اقتضا حدرینه و عطار لک
 ضعف حاله حاله و رعایا و اهالی قرانک جور و تقدی ملتزمیندن ^{خسارت لرینه}
 و ولایه و حکامه شکایت لرینه و شکایت لری مسروعه اولمقل سرور و شایان
 اولوب عود تدرینه **فصل شتاده** صاحب طالع بیت سفرده و قر عاشرده
 هر بری محو شدن سلیم و نظر سعدینده بولمق دلالت ایدر ایله اعلم
 عوام الناس و رعایا و ارباب حرفک صحت و عافیت و کار و کسب لرینده برکت
 و اکثر اوقاتده سالما غنا صافیت و محبت و خلوص اوزره الفت و صحبت
 و استعمال غانی و ملاهی یه رغبت لرینه و لیس پایه کسسه لردن بعضی ^{لرینک}
 حالجه رفعت لرینه و رعایا و برایا و اصحاب جبال و قرانظر رحمت حکام
 و ولایه و کباره مظهر اولوب مطیب البال و مرفه الحال و المهرینه و شورشور
 و مکرو حیل و ظلم و تعدینک اندفاعیله اوطن و مسکن لرینده امن و
 سلامت لرینه و بازار لک رواجنه و اهل سوق و تجارت کثرت فوائد
احوال هوا و غدا و امطار و قحط و غلا و خصب و رخا و صحت و مرض
و حوادث جو ساربت طالع استقبال مقدم و صاحب طالع سال کواکب
 بارده و رطبه دن اولوب کواکب بارده و رطبه یه مارج اولمق و ساش
 علام و شواهد دلالت ایدر او اقل بهارده هوا برودت اوزره اولوب
 باران عام نافع نزولنه لکن او اسطی بهارده مرتیج برج ناریده بیت غا ^{شره}
 بولمق بغتة باران و رعد و برق و حریق و حرارت هوا وقوعنه و کوا
 علویه و زهره صفات رخسار ایله موصوفه اولمق عقاقیر و معدنیات و
 حبوب غاذیه و لحوم و لباس و قماش و حریر لشارزان اولمسته و مرتیج
 با لبحیه بیت مرغه بولمق امراض حاره حدو ^{طالع} **فصل صیفه** و رب



جزء مقدم و رب طالع فصل کواکب مطردن اولوب کواکب بارده و طریقه
 بیوسنه اولسی و زهره و مزیندن فتح الباب و قوی دلالت ایدر اینه اعلم
 هوالم اکثر اوقانده اعتدال و زره اولوب باران عام و شامل و نافع
 نزولنه و حبوب و لحوم و دسومک کثرتنه و رب طالع و قریب مناجیدن
 سلامت لری صحت و عافیتک شیوعنه و عطار دک ابتزاز و سلامتی
 اطباتک تدبیر مرصوده اصابت لریله خسته لرت افقت بولمیرینه
فصل خریفه صاحب طالع قریب لوب زهره یه انتهای زهره و ترخ
 و آفتاب و زحل دن فتح الباب و قوی و رجعت و احتراق عطار ده دلالت
 ایدر الله اعلم برودت هوا و نزول باران و هبوب ریاخ شدیده یه
 و اسعاده قوت و امراض حاره یا بسه ظهوره **فصل شتاده**
 آفتاب و زحل و زهره و مزیندن فتح الباب و قوی و سائر شواهد دلالت
 ایدر کثرت باد و باران و نزول برف و شتایه و ظلمت و کدورت و تاریکی
 و ازانی طعام و ذریت اسقام و صحت مرضیه **احوال حرب و قیال**
 مقابله علویین دلالت ایدر الله اعلم حوالی اقلیم اولده میان ملوک و عظام
 خصم و ظلم و ستم حکامدن رعایا ده صیحت و حرکت و تعدی و قتل و غارت
 ابناء سبیلیم نهب و غارت اموال و ظهور جن و ملحدن ده قی و
 مزارعانده فساد حال و قوعنه و دلیل اقلیم پنجم زهره نک سلامت
 قوی دلالت ایدر الله اعلم بلاد روم جنت رسومک امن و سلامته
فصل صیفه مزینک برج عقربیه رجعتی دلالت ایدر الله اعلم امراء
 جزیره عربدن برنده آفت و قوعنه **فصل خریفه** کذلک مقابله علویین
 و قوی اول سالده واقع اولدوغی وجه اوزره احکام سابقه مثل احوال
 ظهور و **فصل شتاده** دلیل فتنه و فساد اولیوب قران سعدین و
 قوی دلیل در اشرار و ارباب فساد کتوبه کار اولوب صلاح لریینه

حکای خطا و ختن و چین و علمای تاتار **هراوشین** هراون ایکی
 سنه یی برد و اعتبار و هر برینی بر حیوان اسمیله تسمیه و اول سنه
 اول حیوان خوی و خصلتندن اقتباسله بر قاج کله احکام اسناد ایدر
 و بیوسنه مبارکه میمونه ده مذکورک ابتدا سنه سی اولوب **سال مشی** دیر
القول علی زعمهم بوسالک اوائلنده مخلوقاتده امن و آرام و سایش و صحت
 او اسطنده نزول امطار نافع دن محصور کلامت و کثرت او اخر نه
 امراءه تشویش و حیرت و میثاناسده کید و حسد و تزویر و شر و ظهور بیدار
 اسواقده کساد و قوعنه و موش کثیر و زیانکار و شتا شدید و مدید اوله
 و بوسالک اوائلنده وجوده کلان خوش صحبت و بتر فیم و سریع الحریکه و اسطنده
 وجوده کلان بد خلق و مفسد و اخر نه وجوده کلان غماز و کذاب اوله و العلم
 عند الله تعالی نور و سلطانیدن **شوالک** یکی **لوجنه** و **ارجنه** نمایان
 اولان ادله سماویه دلالت ایدر الله اعلم پادشاه فریدون علم شریار
 عطار د قلم حضرت لریک وجود هادیون و بهبود لری رونق افز و حکما
 دولت و اقبال و زینت افزای بارگاه سعادت و اجلال اولوب و زراعی عظام
 و علمای کرام و امرای ذوی اکرام و مقربان محترمان عالی مقام سایه دولت
 پادشاه بحر و برده مرقه الحال و مطیبات البال اولمیرینه تسدیس مرغ و
 مستری و تلیک سعدین و سائر انظار سعیده دلالت ایدر الله اعلم
 اعدا و اضداد و اصحاب بغی و عناد نادم و پشیمان و عذر خواه و توبه کار
 اولمیرینه مظهر نوازش و عفو پادشاه ملانک سپاه اولمیرینه و میان
 وزراء عظام و امرای کرامده محبت و مودت و ائمه و اشرافده حسن حال
 و قطاع طریقده هلاک و زوال و رعایا و بریاده صفای بال و صحت
 خلایق و موافقت ازواج و پیرایه و لباس و عطریاتده رواج و اسعاده
 تنزه و کثرت انگه و توفیق داران و توفیق داران و توفیق داران و توفیق داران

اخبار ساره و ضعف حال علما و انكسار و فتور سرمايه **شوال المكرمك**
يكريمي و چندن **ذی القعدة** **نك يكريمي** در دهنه و **ارنجه** بدیدار اولان
 امارات سماویة دلالت ایدر الله اعلم شهریار سکندر زلف خداوندگار
 حضرت رهبر حضرت تلمینک کوب سعید دولت ابد پیوند لری اوج دوام
 و ثباته منتهی عد و عظمت و شوکت لری دائماً متکاثر و متزاید اولوب ^{نات} **ارنجه**
 دولت علیه لری اولان و زرای عظام و علمای کرام و خدام سعادت ^{ارنجه}
 حرم هایون بیمنت مقام زیر سایه نوازش و التفات شاهانه لریده
 خوشحال و مطیبال و رعایا و پرایا ازاده و آسوده خلا و المربته و
 امراء و روساء اجناد ده حیرت و ملان و بازار اسلمه ده کسار و
 رهنان و قطاع طریق و سرکشانه گرفتاری و هلاک و شکوایانده
 جلای اوطان و املاک و بیاری قوم اترکه و علما و ارباب دیوان و عال
 و حکامه تنقی و قوت و ورود اخبار ساره به و صداقت اهل دفا تر
 و تنقیح محاسبات موافق و قوت حال شعرا و اطبا و رونق مدارس ^{حفظ}
 و رواج بازار کتاب و راستی اخبار و طالع منجیل و استقبالده مرتجع
 برج ناریده راجعاً ما شریبونق دلالت ایدر الله اعلم کریمیت ^{هوا} **ارنجه**
 و برق و حریق و قوعنه **ذی القعدة** **نك يكريمي** در دهنه **ذی**
الحجة **نك يكريمي** **ارنجه** ظاهراً اولان تشکلات اجرام عالیة دلالت
 ایدر الله اعلم پادشاه جهان غطاء و مالک الرقاب و شهرنشا و واجب
 الاتباع اسمان جناب حضرت تلمینک آفتاب عظمت و شوکت لری شرف
 و صحت و عافیتده افق باهت و مسرتدن طالع و کوب زری بخت هایون لری
 ذروه سیمر سعادتده ساطع و انوار مرحت و شفقت لری مفارق
 رف انام اولره کامع اولوب و زرای عالی جاه و حکام امصار با انتباه
 تنظیم امور رعیت و دفع و رفع ظلم و بدعت و تفتیش اهل خیانت ایچون

او امر علیه واجب الاتباع لری صادر اولوب مضمون منیفنه امتالده
 نکاسل ایدر مظهر غضب قهر ما نیلری اولمغه و طرف مشرقدن بعضی
 تشکات استمرام و استشفاف قیله امر او **ارنجه** **نك يكريمي**
 مبغوض و مغضوب اولوب معزول و منکوب اولمربته و خوارج و دزدان
 و اشقیانک هلاکربینه و خدمه دارالضربک انما مدینه و کبار امران
 برینک قوعنه و اهل خیانتک بدنام و رسوای اولمربته و زنان و
 خادمانک بمن و سعادت لربینه و خلا یقده صحت و ازولجه موافقت
 و اسعارده نثرله هوالرده حرارت و کاسی بفته باد و باران و عد
 و برق و حریق و قوعنه **ذی الحجة** **نك يكريمي** **ارنجه** **نك يكريمي** **ارنجه**
يكريمي **ارنجه** آیینة افلاکده صورتها اولان اوضاع اجرام ^{لی}
 دلالت ایدر الله اعلم سلطان بلند اختر و هفت کشور خاقان ارسطو
 تدبیر بجز و بر حضرت تلمینک نیروی بازوی دولت و اقبال لری ^{حفظ} کمالده و
 وقایه و بقایه با سبانی و حمایه سبحانیة نکهبان لری و خاطر عاطر
 انور لری دائماً شاد و خندان و قلب شریف و هایون لری مسرور و شادان
 اولوب و زرای کزین و عدای دولت و دین و خدام عالی مقام حرم محترم
 سعادت آیین مظهر انعام و احسان شهریار زمان و زمین اولمربته
 افتابک مشتری به نظر عداوت و مرینجه نظر مودتی و مرینک استفا صتی
 دلالت ایدر الله اعلم عوام النامس **نك يكريمي** **ارنجه** **نك يكريمي** **ارنجه**
 مضادده اولمربته و علما و صدورده قوق و فراغ بال و ارباب
 مشاغبینیة ده فقیر و بتدل و میان فریان ده هانده علی طریق الخاصه
 مناسله و مکاتبه و باب تدریسه میان علماء و خصوصت و اهل دار
 القضا و خدمه دارالضربده فساد و خیانت و قوعنه و سپهر سلارانه
 و ارباب سلاحه نظر مرحت پادشاهیدن رونق و فرح و سرور

حاصل اولوب خدمات دولت و دینده سعی موفور و جد وجهه مشکلی
 ظهور نه و العلم عند الله تعالی محرم الحرام یکری بشندن صفرا الحیدر
 یکری بشنه و اینجه امتزاج ادله فلیکه دن استبطاط اولان احکام
 بویله در که مدارا مامت کبری قطب خلافت عظمی پادشاه شریا سریر
 و سپهر احتشام شهر یار فلک بارگاه و سلیمان مقام حضرت تکرینک کشتا
 دولت و اقبال رشحات فیض باریدن تازه و تر و مرآه جاه و جلای
 مصطفی تأیید سجائیدن مجله و منور اولوب جریبار نور از شرف النفا
 شاهانه لرندن وزراء عظام و علمای اعلام و حدام حرم هایون
 الاحترام مغترف وریان اولمرینه تسدیس شمس مشرقی و شرق عظام
 دلالت ایدر الله اعلم ملوک و سلاطین عظامده قوت و وزرا و مقربا
 درگاهده افزونی جاه و حرمت و بقاع خیره عمارت و علما و طلبه
 علومده منفعت و مستوفیان و متصرفان و ارباب اقلام و اشعار و اطبا
 و مخبین ده رونق و فوت و اخبار سازه ده کثرت و رواج کتاب و کتابت
 وقوعه و پیران و مزار عانده ضعف حال و فراخی طعام و کشتا حیوانه
 و خسارت اهل فلاح و موت عجائزه و محبوسلرین خلاص و غفر
 اولمرینه و خزانه عامریه اموال کثیره و وصوله و هوالرده حرارت
 و بیوست و وقوعه الله اعلم صفرا الحیدر یکری بشندن بیج الاولک
 یکری بشنه و اینجه صورتنا اولان ادله و شواهد دلالت ایدر
 الله اعلم سلطان پادشاهان جهان خاقان عدوبند و کشتورستان
 حضرت تکرینک مرآه تابناک طبع هایون لرنده انوار صورت مستحسنة
 صحت و عافیت جلوه کر و اشعه آفتاب دولت بویله روی جهانیان روشن
 و منور اولوب وزرای بلند منزلت و علمای عالی رتبت انتظام امور
 جمهور دین و ملت و استحکام مبانی ملک و سلطنت خصوص صند

انواع تدابیر صائیه لری ظهور بویله مظهر اعزاز و اکرام پادشاه پنده
 پرور اولمرینه و زهر و یانک سوء حال لرینه و ارباب مناصب بینه دن
 برینک مؤثرا و لمسنه و حکام شرع شریفدن بعضیلرین احکام
 ناحق صدور نه و شر و شور و فتنه و فساد کاندانده و امن و رحمت
 و صلاح حک شیوعه و عساکر اسلام کفار و زخ قراره غلبه
 و ظفر لرینه و قلاع و حصونک عمارتنه و ارباب فتنه و فساد کشتا
 و کوشه نشین لره رجوع و انا بتلرینه و سروران و کبارک زیر
 دستان و ضعفا و فقرا و رعایایه مرحمت و شفقت لرینه و احتمال
 حریق جزئی و زلزله حقیقه ظهوری بیج الاولک یکری بشندن
 بیج الاخرک یکری التیسنه و اینجه ظاهرا اولان اوضاع اجرام عاله
 دلالت ایدر الله اعلم نور حدقه دولت و اقبال نور حدیقه سلطنت
 و اجلال حضرت تکرینک ترغیر و خروج شوکت و عظمت لری برابر قرق و فقدان
 و نهال برایت نصرت آیت قوه و قدرت لری همتر امان اولوب وزرای
 نامدار و آصف مقام و علمای کبار فضائل ارتسام و محمان حرم هایون
 ذوی المکارم و الاحترام سایه دولت پادشاه بحر و برده مطیبا بال
 و مقضی الامال اولمرینه و امر و لشکر یانک حسن حال لرینه و مظهر
 احسان و انعام پادشاه جهان پناه اولمرینه و لحوم و دسومده عزت
 و فسق و فجور و رغبت و بازار سلاح و دوا برده رونق و رواج و عطا
 نکبت و موزونات و مکیلاته و فرت و شوانده حدوت مرضی و علت و
 مشایخ و قضایه بیسته مخالفت و میان بزرگانه عداوت و سپاه
 و عساکرک طرف شرقه نهضت و حرکت لرینه و خانیان دولته بدنام
 و دسوی اولمرینه و ارباب خاندان قدیدن بعضیلر عتاب
 و خطاب و وزرای عظام اولمرینه و شدید روزگار لراسوب نزول


بارانه والعم عندالله تعالى **ربيع الاخركمى التيسندن جمادى**
الاولانك يكرمى التيسه واربعه وقرعه كلان اتصالات كواكبيه
 وامتزاج انوار نجوميه دلالت ايد در الله اعلم باد شاه فلك بارگاه شهر
 يار عدالت دستگاه ظل اله افتاب جاه حضرتك بنك تقضا عفو نك
 و شجاعت و ترايد عظمت و مهابت لرينه و وزراى ارسطو منزلت و مدبران
 دين و دولت نظام احوال بلاد و عباد ايله تقدير عايله حظير التفات
 باد شاه حجه اولم لرينه و علمى عظامك از يد شرف و رفعت لرينه
 و مقربان درگاه هينك حسن حال خير المال و نظام حال لرينه و طوايف
 عسكريدن بعين لرينك تزايد شرف و اعتبارنه و زنان و مطربانك كدورت
 و ضعف حال لرينه و دزدان و بركا رلرك نكبت و خذلان لرينه و اگراد و سگان
 جبالك كدروالم و رعايانك اندوه و غلرينه و قلت ابر عيون و انهار و موت
 و ملحدك مزارعك افترينه و محبوب سرك خلد لرينه و خان خانان
 بخدمت برينك مودت و كتاب و اهل قلمك فرح و كثر و فرائد لرينه و روز
 اخبار ساره به و بيمارلرك صحت ياب و علاج پذير اولم لرينه و سرور
 و ضيافتك كثرته و نكاح و زفافك و فرته و طالع تحويل و اجتماع فرح
 امطاران اولوب زهره و مريخين فتح الباب و قوى نزول بارانه والعم
 عندالله تعالى **جمادى الاولانك يكرمى التيسندن جمادى الاخره نك**
يكرمى يديسنه واربعه ظاهر اولان ادله فلكيه دن قران سعيد
 و تسديد ليس تحسين و ساثرانظار سعيد و واضع حميده دلالت ايد
 الله اعلم قهرمان زمان سلطان كيقستان و خاقان كيوان مكان
 حضرتك كلاله توغ پير فرغ دولت و اقبالى شانه زده مشاطه
 شوكت و اجلال اولوب بجا الطاف و اعطاف شاهانه لرندن و زراى
 عظام و علمى ذوى الاحترام و خدام حرم هايون كرام مستفيض و

مستفيد اولم لرينه و قضاة و اشرف و خواتين ده قوه حال و خلد لرينه
 تندرستى و صحت و سرور بال و مسافران در ياده سلامت و ناسده
 امن و رفا هيت و رعايان و زيردستانه مرحمت و مطالبات رعيتده
 خفت و تدبير امور مملكتده بين الكبار اتفاق و وحدت و ميلان بزرگان
 مجد و عهد و ميثاق و مودت و دبيران و مستوفيانده رونق و قوت
 و علاج اطباء و اصابت و احكام نجومده صداقت و استماع اخبار مست
 و فراخى نعمت و رواج بازار سلاح و حال مستحفظانده صلاح و قوعنه
 و صفوت و اعتدال هوا و هبوب رياحه والعم عندالله تعالى **جمادى الاخره نك**
يكرمى يديسندن رجبك يكرمى يديسنه واربعه واقع اولان مناظرات
 و مطارحات انوار نجوميه دلالت ايد در الله اعلم باد شاه خورشيد
 طلعت و شهر يار فلك رتبت حضرتك طبع هايون و مزاج لطيف و
 صحت مقر و ندرى كمال اعتدالده اولوب سرور و نشاط و بهجت و انبساط لرينه
 و نور و اوزد يادته و مدبرين دين و دولت و خدام كرام شريعت و امان
 سچاه و عسكرو اصحاب اقلام و دفتر و خدمه سراى هايون سعادت رهبر
 الطاف و عطف باد شاه كم پروردن حصه مند اولم لريله سرور
 البال و مرقه الى ال اولم لرينه و دواب و مواشيدده عزت و براق و سلام
 قيمت و جبه داران و سلاح سازان مظهر نوازش و التفات ملوك
 و سلاطين عظام اولم لرينه و عساكر اسلامك كفار و مذاهب با طله
 اصحابنه غلبه و ظفر لرينه و ارباب ديوانده قوت و شرب منياه غيث
 و بيان زنان و ساده رويانده محبت و كرايس و حرير و لباسده رواج
 و ثروت و نجوم و دسومده عزت و محاسبان و كتابده رفعت و نزول
 برف و باران و حدوث سرما و شتابه والعم عندالله تعالى **رجبك**
يكرمى يديسنه نك شعبانك يكرمى يديسنه واربعه بديدار اولان

تشکلات اجرام اثیریہ دلالت اید بر بقا علم پادشاه قمر جلال و ملک
 خصال شهریار عدالت افعال و فلاح اقبال حضرت تلمیذ نور ساطع الظہور
 افتاب شوکت و مہارت تلمیذ خیرہ بخش چشم جہا نیان اولوب رائی صاحب
 موافق التقدر ایلہ احوال سلا متعال عالم منتظم و مرتب و حسن تدبیر
 و نصرت قلم ایلہ بلاد و عباد معصوم و مطیع و المومنین و مشاہیر و وزرای
 امصار و علما و صدور و قضاة دیا ردن و بعضی تلمیذ مفضوب و مفضول
 ارباب دولت و المومنین معصوم و مہموم او المومنین و ثوابگران و ذی شرف
 و بیسار دہ مصادره و کبار دہ حیرت و تبدیل مشایخ و مرآت و صدور
 غم و غمیزہ و ظہور خیانت و حذام دار الضریبہ ضیاد و قوعیلہ خالری
 سلب اولمغہ و تشہیر محنتیان و اهل فضل و تقوی دہ الفت و حضور حکام
 درس و بحث و مناظرہ سبیلہ بین الطلبة خصوصیت و زہاد و عباد
 برینک فوتہ و فساق و فجار و امراء انک بدنام و رسوائی او المومنین
 طالع تحویل و اجتماع برج مائی اولوب ترنج تحت الارض بولنق دلیلد
 نزول برف و باران و زلزله یہ و العلم عند الله تعالی **شعبانک یکری**
یدیسندن نوروزہ واریجہ صورتها اولان ادله فلیکہ دلالت
 ایدر الله پادشاه انج سپاہ و سلیمان مقام و شہنشاہ نصرت پناہ
 و آصف غلام حضرت تلمیذ و وجود ہیود و مسعود السمات و ذات شریف
 ملکی الصفات تلمیذ رونق افروز تختگاه دولت و اقبال و زینت افزای
 بارکاه سعادت و اجلال اولوب ساینده دولت و ظل ظلیل شہقتارنده
 وزرای عالی جاء و علمای آگاه و محرمان حرم ہمایون سعادت پناہ جرم
 و خندان و مسرور و شادمان او المومنین قرآن تحصیل دہ برج حمل
 ایدر الله اعلم طرف مشرقہ زمینی خراسان و مکرث امراض و کدورت
 ہوا و موت اهل جبال و مشایخ فانیل عربدن برینک فوتہ و ولایہ شامدن

برینک تقد دہ وارض با بیلہ مرک و تنکی طعام و تکمیل آلات حرو اتنیہ
 اسباب طعی و ضرب و آفت سران سپاہ و احراق مواضع و قوعیلہ و دلیل
 ملت و دولت و مملکت روم جنت رسوم ناہید سعیدک برج شرفندہ تحویلی
 دیا رومک احکام مذکورہ دن سلا متہ دلالت ایدر تثلیث شمس و
 مشرقی دہ دلالت ایدر وزرای عظام و کبار و اشرافک قوہ و سعادت تلمیذ
 و میان ملوکہ مصالحہ و سلا طین سعادت آییندہ عدل و داد و قوعیلہ
 و اهل تقریب پادشاه عالمینا ہک از عباد جاء و حرمت تلمیذہ و اخبار
 سارنک و رورندہ و العلم عند الله تعالی **صورۃ الخسوف الکلی**
 تقدیر الہ و ارادہ علیہ نامتناہی برلہ تاریخ ہجرت افضل الانبیاء و
 المرسلین علیہ اطیبت النبیاتک بیک یوزرق بش سہ سی جاذی الآخرہ سنک
 اون دردی سہ شنبہ کیجہ سی قرینہ عقدہ ذبندہ غروب دن ۵۰ ساع
 ۵۰ دقیقه مرورندہ احتسابہ با شلیب غروب دن ۶۰ ساعت ۱۰ دقیقه
 مرورندہ بحکم قمر بالکلیہ خسوف اولہ و غروب دن ۷۰ ساعت مرورندہ
 وسط خسوف اولوب غروب دن ۷۰ ساعت ۵۰ دقیقه مرورندہ الخسوف
 آغاز و غروب دن ۸۰ ساعت ۵۰ دقیقه مرورندہ تمام منجلی اولہ **ذلك**
تقدیر العزیز العظیم الاحکام چون برج خسوف جزا و طالع خسوف
 سنبیلہ اولوب مدبر خسوف عطار دبولنمقد دلالت ایدر الله اعلم
 کیلان و موقان ورقہ و سعید و اندلس و افریقیہ و کوفہ سمندرندہ
 مکر و حیلہ و اراجیف و کذب و نیمہ ایلہ بین الاہالی عداوت و خصومت
 و دواپ و مویشی کبار دہ آفت و ریح شدیدہ حارہ و مفسدان و
 منافقان و ثلث و خیانت ظہورندہ و بوضوفاک احکامی اوج ای یکری بش
 کون قدر تمام اولوب معظم حکمی برای یکی التکوین مکرہ طریکہ **والعلم عند الله تعالی**





١٢
١٩٠٨